



Hoërskool McLachlan

Posbus 3
Joubertina
6410



042-273-1335
042-273-1210
info@hsmclachlan.co.za
www.hsmclachlan.co.za

NUUSBRIEF 10/07 2020

Geagte Ouers/Voogde

1. **Dr. Daneel Ferreira, oud-leerder van McLachlan word vereer:**
“University of Mississippi School of Pharmacy

Congratulations to Daneel Ferreira, professor emeritus of pharmacognosy, on being awarded the Phytochemical Pioneer Award by the Phytochemical Society of North America!

Dr. Ferreira will be honored at the organization’s annual meeting in 2021.”



“My liefde vir Chemie en Wiskunde is in die Hoërskool McLachlan (1956-1960) deur mnr J.C. Badenhorst en mnr Jack Deyzel gekweek. Sal altyd met waardering en dankbaarheid terugdink aan die wonderlike vyf jaar wat ek as Kougakind in HSM kon deurbring.” – dr. Daneel Ferreira

2. **Nuutste datums vir terugkeer van grade:**

Volgens instruksie 37, gedateer 5 Julie 2020 van die Superintendent-Generaal, mnr. T. Kojana, is die terugkeerdatums van die **Oos-Kaap** skole as volg:

Graad 3:	20 Julie 2020
Graad 4,9, 10:	27 Julie 2020
Graad 5, 8:	3 Augustus 2020
Graad 1, 2:	12 Augustus 2020

Enige veranderinge sal met u gekommunikeer word.

3. **Tuisonderrig:**

Graag rig ons ‘n vriendelike versoek dat ouers wat die keuse uitoefen om NIE hul kind(ers) terug te stuur skool toe NIE, en self die verantwoordelikheid neem om hul kinders by tuisonderrig te registreer, die skool asseblief skriftelik in kennis moet stel.

4. **Afstandsonderrig:**

Ouers/voogde moet asseblief daarop let dat sodra daar met die terugkeer van grade weer met formele onderrig begin word, word afstandsonderrig aan hierdie grade gestop.



Indien 'n leerder 'n onderliggende siekte het, moet die ouers 'n afspraak met die skoolhoof maak en die skool van 'n mediese sertifikaat voorsien.

5. **Covid-19:**

Geen persoon anders as leerders en beamptes (personeel) mag die skoolterrein betree sonder vooraf toestemming van die skoolhoof nie. Ouers moet asseblief die sekretaresse kontak vir 'n afspraak met die skoolhoof en personeel.

Ouers moet asseblief seker maak dat kinders met die regte maskers skool toe kom. Geen leerder sal op die skoolterrein toegelaat word sonder 'n masker nie. Skoolmaskers is teen R15 by Spektrum te koop.

Alle leerders wat van Hoërskool McLachlan en die Departement van Onderwys se busvervoerdien gebruik maak, moet op die bus wees met 'n masker.

'n Leerder moet tuis bly indien hy/sy enige van die volgende simptome toon:

- Koors
- Hoes
- Rooi oë
- Asemhalingsprobleme
- Liggaamspyn
- Moegheid of swakheid
- Verlies aan reuk en smaak
- Naarheid
- Braking

Ouers moet die skool dadelik hiervan in kennis stel en 'n kliniek- of doktersertifikaat skool toe stuur.

6. **Grannor Passi-projek:**

Hoërskool McLachlan loods weer in 2020 die Granor Passi-projek. Langkloofprodusente kan vrugte by die sapfabriek onder Hoërskool McLachlan se naam lewer. Die nommer waaronder u dit moet lewer, is **019**. Hierdie is 'n geleentheid vir die boerderygemeenskap om die skool te ondersteun. Ons skool het baie finansiële uitdagings en weet met hierdie projek sal u 'n groot verskil kan maak. Die inkomste van die projek sal direk deur Granor Passi in McLachlan se rekening inbetaal word.

Ons moedig produsente aan om aan hierdie projek deel te neem en sodoende 'n verskil te maak aan ons kinders se toekoms by Hoërskool McLachlan. Die skool is die hart van die gemeenskap en met u bydrae sal ons sy voortbestaan kan verseker.

7. **WEN 'n KIA-PICANTO (2020)-fondsinsamelingsprojek:**

Inbetaling word by die registeronderwysers gedoen. Die laaste datum van inbetaling is **9 Oktober 2020**.

- ✓ U as ouer is verantwoordelik vir die boekie en indien u dit verloor, sal u aanspreeklik gehou word vir die inbetaling van R500.

- ✓ Leerders wat 'n tweede boekie wil verkoop, kan daarvoor vra na die eerste inbetaling.
- ✓ Die wenner van die Kia-Picanto (2020) word in November aangewys.

S. Pienaar

S. PIENAAR

Waarnemende Skoolhoof: Hoërskool McLachlan

Posbus 3, Joubertina, 6410

Oos-Kaap, Suid Afrika

Tel: +27 (0) 42 273 1335

Fax: +27 (0) 42 273 1210



INTERNET
GENERATION



Wireless Internet
www.igen.co.za

McLachlan Internet Fasiliteit